

滇海虞衡志卷之四

志酒

按范志謂性不能飲而知酒頃予仕于朝歷貴游家總未嘗得名酒使燕飲金蘭酒而甘之及來桂林又飲帥司公厨之瑞蘭乃盡其妙因志酒然所志者僅瑞露古辣老酒但三耳予性愛飲又謫居不復能擇佳酒有載而來問字者卽飲之然喜飲燒刀酒於黃酒雖餽送盈於階砌不復開轉以送人蓋燒酒名酒露元初始入中國中國人無處不飲乎燒酒見黃酒反攢眉吳越愛黃

滇海虞衡志

卷之四

一

酒江右尙水白生酒黃酒今紹興酒也滇南之有紹興酒自孫潛村始

紹興酒古箬下酒也取若邪溪水釀之以箬封罈口而泥之慮其遠行或難久貯燭石灰半瓊入之故紹酒有灰而他酒無灰今醫書古方製藥輒曰用無灰酒是知紹興已徧行天下故方書以其有灰戒之曰用無灰酒也罈面酒甚佳飲之輒破腹由灰氣浮於面耳孫潛村居五華知滇之吳井水似若邪因以紹興之釀法爲之眞紹興酒也以餉大吏及交好每售輒數十罈獲大利

餘則日與其徒樂飲酒至今六七十年雲南有紹興酒由孫先生勗之也先生居滇南開出文章理學大風氣而豪飲之風亦由以開且留酒法於滇南使小子後生時奉先生之遺甕其卽魯國夫子甕乎往時官場爲豪舉酒之自紹興來者每罈十斤值四五六金近來滇作漸佳可敵紹作故紹來漸少值亦漸低則先生之餘愛也

白酒煮雞蛋亦浙客爲之滇人士效之今遂以爲俗每歲臘中人家各釀白酒開年客至必供白酒煮雞蛋滿

滇海虞衡志

卷之四

二

盃乃爲親密此風不知可開自先生又添滇之一酒案頃檢范志則白酒煮蛋卽老酒冬鮓之遺風也

老酒滇南士大夫家亦藏之時因子病諸生出以相餉予昔在博羅飲老酒甘之遂以病蓋李時珍云老酒臘月釀造可經數十年和血養氣暖胃辟寒嶺南人藏之以脩女眷房幃之用不輕以飲人人亦不樂飲之者較白酒力尤微而發痰動火倍盛范志云老酒以麥麵釀酒密封藏之可數年土人家尤貴重每歲臘中家家造鮓便可爲卒歲計有貴客則設老酒冬鮓以示勤婚娶

亦以老酒爲厚禮滇南人不知鮓法予居滇命侍兒爲之隨作隨食以燒酒下之更爽快客來供鮓俱不敢嘗惟桐城吳四至則啗之立盡也

省城酒清冽堪飲東門酒舖所收尤佳謂之南田酒客遊者每訾滇酒不中飲而不然也吾輩無力能飲佳酒且就燒酒飲之漸與之習亦漸佳何輕訾之

花桐酒出武定花桐村村之地勢極高張王二姓同居頗似武陵桃源村人工釀酒行於四遠曰花桐酒予嘗宿其村下則爲勒品又下爲張波羅又下爲元謀以至

滇海虞衡志

卷之四

三

金沙江計其高應數十里上

高粱酒出元謀其地旺高粱以爲酒如北方之乾燒

力石酒出定遠亦高粱燒名力石者言其酒力之大重

如石也

按鶴慶亦出酒其味較汾酒尤醇厚

桑椹酒山查酒葡萄酒滇產葡萄佳不知釀酒而中甸地接西藏藏人多居之酒蓋自彼處來也

丁香酒雲南產丁香亦以釀酒性烈興陽嶺表人嘗言舶客以重值延越姝諸姝謝不敢往一姝恃其能也往就之與歡終日稍衰卽啞丁香酒而復興姝大敗壞從

此不能侍客記之以見此酒不宜輕染唇也蠻中花椒油性烈亦同

古刺酒出緬甸古刺在緬甸外其水貯之器數十年不乾曰古刺水取此水以釀酒可以久留故曰古刺范志誤以爲古辣且以爲賓橫間墟名殆非也前明外番嘗有古刺貢水古刺與暹羅皆在緬甸外而緬甸常畏之暹羅人善釀酒以燒酒再重燒入珍寶異香每罈以檀香十數斤薰黑如漆入酒封埋絕去燒氣二三年取出之能去積病且殺蟲蠱明汪穎常見二人飲此酒打下

滇海虞衡志

卷之四

四

活蠱長二寸許謂之魚蠱云粵人喜食魚生當是魚膾成蠱也

賽瑞露者所擬於滇厨而爲之也古者酒歸官釀故曰官酒阮嗣宗之就步兵厨王無功之就某監者爲其吏善釀多美酒耳范志之瑞露厨酒官酒也大酋命酒重在於水泉必香帥厨酒佳由於署內有所井庫井泉皆清冽汲釀故佳今酒不歸官釀有事用酒上官取之於下下官要之於民故曰要酒則美惡不能擇矣若使官自爲之豈不可以美見今滇城無此二井而城外吳井

井泉清冽官民取之以瀹茶若以釀酒當亦與瑞露並
賽爭先故懸擬其名以待滇之好事者爭爲之毋使石
湖專美於粵也

洋酒開化人善爲之盛以琉璃瓶宛然洋酒也近孫君
漢輔亦作之滇邸

樹頭酒出緬甸樹類櫻高五六丈結實大如掌土人以
麴納罐中而以索懸其罐承於實下劃實流汁入罐成
酒名樹頭酒如不用麴但取其汁熬爲白糖

蠻人嗜酒不解蒸熬江西人入其寨而蒸熬之所謂燒

鍋也蠻人聚而酣之然收酒債利甚重盤剝於蠻張明
經忠蠻族之賢者也惜之控於大吏請示禁且以語予
予曰酒之溺人周公作誥秦漢禁羣飲必待於賜酺飲
勢若可以稍衰矣而民間之羣飲仍自如也蓋其性之
所趨雖以聖人言之痛切朝廷之厲禁莫得而維挽之
燒鍋之禁早矣卒不能禁徒使吏役濟其私致酒價漸
增以重困於民凡爲美睹聽之言者非治道之正也不
正其本而禁其末又豈能行長吏整躬率物賢士大夫
相與導揚而勸諭之轉其酒性飲勢得以稍衰乃可有

濟且事有失一而得一者不可不知也昔昭烈魏武嚴禁酒不使糜費五穀以足民耳滇處萬山歉則外穀不能入豐則內穀不能出穀賤傷農農傷亦非地方之福運至本省及近廠已苦腳費之多況出滇境哉計一石之米重百二十斤熬爲美酒不過數十斤運之至輕行之又遠不致以餘粟病吾農亦軍國之大計紹興距滇萬里且以其酒來牟利於滇滇有燒鍋猶曉曉共思禁之穀無所轉移不過運省運廠腳費之盈絀相當不能大贏濟之以蒸熬縱不能如紹興之遠行卽在滇境互

相流通終亦在於贏數此亦計之得者也張君以爲然茲因志酒而論及之